

皇宋十朝綱要

皇宋十朝綱要目錄

第一卷

太祖

第二卷

太宗

第三卷

真宗

第四卷

仁宗

第五卷

仁宗

第六卷

仁宗

第七卷

英宗

第八卷

神宗

第九卷

神宗

第十卷上

神宗

第十卷下

神宗

第十一卷

哲宗

第十二卷

哲宗

第十三卷

哲宗

第十四卷

哲宗

第十五卷

徽宗

第十六卷

徽宗

第十七卷

徽宗

第十八卷

徽宗

第十九卷

欽宗

第二十卷

高宗

第二十一卷

高宗

第二十二卷

高宗

第二十三卷

高宗

第二十四卷

高宗

第二十五卷

高宗

皇宋十朝綱要目錄終

皇宋十朝綱要卷第一

眉山李壘編

太祖啟運立極英武睿文神德聖功至明大孝皇帝諱  
匡胤宣祖第二子母曰昭憲皇后杜氏後唐天成  
三年丁亥歲二月十六日生于西京夾馬營仕周為  
殿前都點檢歸德軍節度使顯德七年正月四日受  
周禪年三十四乾德元年十一月上尊號曰應天廣  
運仁聖文武至德開寶元年十一月加號應天廣運  
聖文神武明道至德仁孝九年十月二十日崩于萬



卷一

歲殿年五十太平興國二年四月二十五日葬于永  
昌陵左河南府永安縣謚曰英武聖文神德廟號太  
祖大中祥符元年十一月加謚曰啓運立極英武聖  
文神德立功大孝五年閏十月加今謚

年號三

建隆四

乾德五

開寶九

皇后三

孝惠皇后賀氏

右千牛衛率府率思崇之女晉開  
運初來歸周封會稽郡夫人生燕

王德昭賢肅賢靖二大長公主顯德五年正月  
三日薨享年三十建隆三年四月追冊為皇后

# 皇子四

孝明皇后王氏

年八月立為皇后生皇子一人皇女二人皆早

世乾德元年十二月七日崩于蕊德殿享年二

十二諡曰孝明陪葬安陵祭別廟

孝章皇后宋氏

左衛上將軍邢國公隆之女乾德

六年七月十二日永昌陵祭別廟元豐四年四月十四日諡

滕王德秀

元符三年三月追賜名

燕王德昭 乾德三年六月授貴州防禦使開寶六年

同中書門下平章事太平興國元年十一月改

永興軍節度使兼侍中封武功臣王班宰相上

三年十一月加檢校太尉四年八月薨贈中書

令追封魏王謚曰懿 太宗真宗即位贈太傅仁

宋即位贈太師明道二年十一月改封吳王 英宗即位追封燕王

舒王德林 元符三年三月令追封舒王

秦王德芳 開寶九年三月授貴州防禦使太平興

節度使同中書門下平章事三年加檢校太尉

真宗即位贈太保 仁英宗即位贈太師明道二

年九月加贈尚書令 英宗即位追封楚王元

符三年三月

追封秦王

公主六

中國大長公主

元符三年三月追封中國大長公主  
政和四年十二月改封安惠大

長帝

成國大長公主

元符三年三月追封成國大長公主  
政和四年十二月改封顯惠大

長帝

永國大長公主

元符三年三月追封永國大長公主  
政和四年十二月改封宣惠大

長帝

魏國大長公主

開寶三年六月封昭慶降左衛將軍王承衍九年十月進封鄭國淳

化元年正月改秦國至道三年五月進封長公主  
大中祥符元年五月范賜諡賢肅元符三年三

魯國大長公主

月追封秦國賢肅長公主改封魏國大長公主  
主政和四年十一月改封賢肅長公主改封魏國大長公主

化元年中祥符二年改晉國至道三年十月封延慶降左衛  
主大中祥符二年正月晉國至道三年十月封延慶降左衛

范賜諡賢靖元符三年三月改封大長公主進封長公  
政和四年十一月改封賢靖元符三年三月改封大長公主進封長公

陳國大長公主

開寶五年七月封永慶降右衛  
軍魏成信九年十月進封魏國淳

化元年中祥符二年改晉國至道三年十月封延慶降左衛  
長公主咸平二年四月薨賜諡正惠乾興元年

五月以舊諡上字同仁宗顯諱改諡恭惠景  
祐三年二月追封大長公主元符三年三月追

封許國大長公主改封賢靖大長公主改和  
四年十二月改封賢靖大長公主改和

宰相六人

范質

王溥

魏仁浦

趙普

薛居正

沈義倫

參知政事四人

薛居正

呂餘慶

劉熙古

盧多遜

樞密使五人

魏仁浦

吳廷祚

趙普

樞密副使五人

曹彬

王旦

呂蒙正

趙普

李處耘

王仁贍

沈義倫

楚昭輔

使相三十三人

皇弟延美

皇子德昭

符彥卿

王景

趙普

王晏

李洪義

郭從義

郭崇

侯章

武行德

王彥超

周行逢

向拱

張永德

慕容延釗

楊承信

韓令坤

孫行友

石守信

高懷德

王審琦

吳延祚

李繼勳

錢俶

孟昶

錢謹

錢惟濬

李穀

高保融

曹元忠

李筠

李重進

三司使八人

張美

薛居正

李崇矩

趙玘

沈倫

楚昭輔



呂餘慶

張澹

學士八人

陶穀

竇儀

王著

李昉

扈蒙

竇儀

歐陽迪

盧多遜

舍人院十人

扈蒙

趙逢

王瑩

盧多遜

張澹

高錫

王著

王祐

李昉

李穆

御史中丞三人

邊歸讓

劉溫叟

邊光範

進士

建隆元年取進士楊礪等一十九人

建隆二年取進士張去華等一十一人

建隆三年取進士馬遵等十五人

建隆四年取進士蘇德祥等八人

乾德三年取進士李景陽等八人

乾德三年取進士劉察等七人

乾德四年取進士李肅等六人

乾德五年取進士劉蒙叟等十人

乾德六年取進士柴成等十一人

開寶二年取進士安德裕等七人

開寶三年取進士張拱等八人

開寶四年取進士劉寅等十人

開寶五年取進士安守亮等一十一人

開寶六年取進士宋準等一十一人

係下第人徐士廉打鼓論

榜詔於講武殿重試通放二十六人  
試官李昉扶御試自此始

開寶八年取進士王嗣宗等三十一人

外改廢置州府

建隆元年復以安州為安遠軍 華州為鎮國軍

兗州為泰寧軍 復建貝州為永清軍 以鎮

州孃子閔置承天軍 以莫州清苑縣置保塞

軍

建隆二年改明州望海縣為奉國軍

建隆四年降朗州武平軍為團練州

乾德元年以樂平縣置平晉軍 降潭州武安軍

為防禦州

乾德二年以襄州穀城縣置光化軍 以楊楊迎

鑒鎮置建安軍

乾德三年改通州為達州 復以涪州為懿州

復以南州為漳州 建北海軍為維州 外華

州為鎮國軍 降果州永寧軍團練州

乾德四年改梓州為靜戎軍 以彭州導江縣灌

口鎮置永安軍 改閬州保寧軍為安德軍

乾德五年建隨州為崇義軍

金州為昭化軍

建耀州為感義軍以商州金水縣置懷安軍

建麟州為建寧軍

乾德六年改琢州為高州

開寶二年以楊州高郵縣置高郵軍以渠州渠

江縣置廣安軍

開寶三年廢海州東海監以萬州梁山縣置梁

山軍以滄棣界保順吳橋兩鎮置保順軍

開寶四年以容州為寧遠軍

開寶五年以江陵府長林縣置荆門軍 以鳳州

七房鎮銀冶置開寶監 建密州為安化軍

廢嶺南澄瀾潯巒富明康繡禺順宇黨春勤等

十四州 廢壁州為通江縣 建宿州為保靜

軍 密州安化軍 節度復為防禦州 以通

江縣復為壁州 復置康州 建耀州為感義

軍 改振州為崖州

開寶六年復以密州為安化軍 廢瀧州復置春

潯賓三州

開寶八年降江寧府為昇州 以昇州當塗縣為

平南軍 建潤州鎮海軍為鎮江軍

開寶九年降申州為義陽軍

誕節

長春

神御殿

皇武



太祖

庚申建隆元年

契丹主述律應歷十年

正月辛丑朔契丹合北漢入寇周帝命上領宿衛諸將禦之軍校苗訓見日下復有一日黑光久相磨盪矣郊大軍出愛景門是夕次陳橋驛將士相與發謀策上為天子甲辰衆扶上上馬擁逼南行上攬轡誓諸將以無得凌暴少帝太后及公卿大臣及縱兵大掠劫府庫等乃整軍自仁和門入秋毫無所犯侍衛馬步軍副指揮使韓通自內庭奔歸將率衆備禦

散負都指揮使王彥昇遇之途殺之上詣崇元殿行  
禪代禮奉周帝為鄭王 乙巳建國號為宋改周顯  
德七年為建隆元年大赦戊申贈韓通中書令仍以  
禮葬之 己酉有司議立四親廟 鎮州言契丹北  
漢軍皆遁去

二月乙亥尊上母南陽郡太夫人杜氏為皇太后宰  
相范質加侍中王溥加司空魏仁溥加右僕射 宋  
州以歸德軍旌節來上詔置於潛龍宅

三月壬戌有司上皇高祖廟號僖祖皇曾祖廟號順

祖皇祖廟號翼祖皇考廟號宣祖 有司言國家受

周禪周木德生火合以火德王色尚赤臘用戌

四月癸酉詔以判太常寺竇儼新定二舞十二樂曲

并樂章付有司行之 棣州刺史何繼筠追破北戎

於固安獲馬四百疋 乙酉浚蔡河 昭義軍節度

使李筠叛降北漢遣兵襲澤州殺刺史張福 戊子

命侍衛馬步軍副都指揮使石守信殿前副都點檢

高懷德率兵討之

五月己亥朔日食

北漢主劉鈞軍於太平驛遣其

平章事衛融宣徽使盧贊將兵救筠、率其衆南下  
與石守信等遇於長平守信等大破之盧贊溺死  
救大會寨 丁巳下詔親征李筠 己未上發京師

甲子守信懷德破筠衆三萬於澤州獲北漢偽河  
陽節度范守圖降其援兵數千人盡殺之筠遁入澤  
州

六月己巳車駕至城下 辛巳上親率衛兵急攻賊  
城破之獲河東偽宰相衛融李筠赴火死 乙酉北  
伐潞州 丁亥筠子守節以城降北漢主鈞聞之遁

歸澤潞平 府州折德振拔北漢沙谷寨斬首五百級

秋七月戊申上至自澤潞

八月中申立皇后王氏 頒新量衡於天下

九月己亥昭義軍節度李繼勳率兵入北漢界焚平遙縣 戊申以淮南節度兼中書令李重進為平盧軍節度賜以鐵券荆南節度使太傅兼中書令南平王高保融卒弟保勗襲位 貶中書舍人趙逢為房州司戶 李重進叛求援於南唐主不敢受詔侍

衛馬步軍副都指揮使石守信殿前都指揮使王審琦宣徽北院使李處耘保信節度宋延渥率兵討之放還邊將所獲北漢民數萬人還其國

冬十月壬申河決棣州厭次縣晉州言兵馬鈴轄鄭州防禦使荆罕儒襲北漢汾州戰沒丁亥下詔親征李重進庚寅上發京師

十一月丁未次揚州城下即日拔之重進盡室登于城東樓自焚揚州平乙卯南唐主景遣使來犒師庚申又遣其子偽蔣國公從鑑朝貢

十二月丁亥至自楊州 是月偽泉州節度留從效  
上表稱藩

辛酉建隆二年 契丹主述律應歷十一年

正月戊申以楊州行宮為建隆寺 丁巳發開封府

陳許民夫教萬導葵水南入潁 分遣常參官詣諸  
州度民田

二月辛未發曹單丁夫數萬人浚五丈河 南唐主  
景遷都南昌 己丑詔竊盜賊滿三千者死 乙卯  
禁民六月至九月採捕蟲魚彈射飛鳥

三月丙申夕內酒坊火酒工焚死者三十餘人內酒坊使左承規副使田震嚴並棄市酒工五十餘人悉命斬於諸門 甲辰北漢寇麟州守將擊走之 閏月戊辰以殿前都點檢慕容延釗為山南東道節度自是殿前都點檢遂不復除授

夏四月癸巳朔日食 庚申詔寬鹽麴法

五月甲戌金州防禦使仇超判官左扶坐斷獄故入人死罪超除名扶配登州沙門島自是人始知奉法 六月甲午皇太后杜氏崩 南唐主景卒於南昌子



煜立以喪還金陵

七月庚午始用趙普之謀命侍衛馬步軍都指揮使石守信殿前副點檢高懷德殿前都指揮使王審琦侍衛馬步軍都虞侯張令鐸皆罷軍職出領諸節度壬申以皇弟泰寧軍節度兼殿前都虞侯太宗為開封戶同平章事

八月庚子削奪義武軍節度同平章事孫行友官爵遣閭門副使武懷節執送闕下

九月甲子契丹解利等來降以江寧節度荆南行

軍司馬高保勛為荆南節度

冬十月戊戌禁邊民出塞盜戎人馬 丙午葬明憲

皇后于安陵

十一月晉州言敗北漢軍於汾西獲馬牛駟數千計  
十二月潞州言敗北漢軍十餘眾斬首百二十級獲  
偽遼州刺史傅廷彥弟勲

壬戌建隆三年 契丹主述律應歷十二年

正月甲戌發民廣皇城東北隅 庚辰詔州縣不得  
役逆旅僑居民為逆夫募卒以代之

二月庚寅詔翰林學士文班常參官各舉堪為賓佐  
令錄一人後有罪連坐 甲午詔翰林學士及文班  
常參官以次轉對 甲寅北漢寇潞晉二州守將擊  
走之

三月初令大辟奏案刑部詳覆以止藩鎮專殺泉州  
留從效卒養子紹鑑襲位

四月衛將陳洪進誣紹鑑謀歸兩浙執送南唐立大  
將張漢思為留後已為副使 乙巳追冊會稽郡夫  
人賀氏為皇后 北漢寇麟州主將楊重勲擊走之

五月增修大內

六月壬寅秦州言蕃部尚波于等十餘人渡渭為寇  
擊走之

秋七月壬戌放南唐降卒數千人

八月乙未復置拔萃科

九月秦州吐蕃尚波于獻伏羗縣地

壬申詔修武

成王廟

冬十月乙酉朔始賜文武常參官冬服

癸巳有司

上新制定循資格長定格編勅武平軍節度使周行

逆卒子保權集位

十一月甲戌荆南節度使高保勗卒姪繼冲襲位

十二月詔強盜賊滿三千足陌者處死 癸亥復置

縣尉 癸亥詔諸縣賊盜關訟 縣令尉復領其事

自萬戶至千戶置弓手有差鎮將唯得掌郭內 甲

辰衡州刺史張文表襲潭州執殺司馬廖簡自稱權  
留後事保權命其將楊師璠禦之且來乞師 是歲

周鄭王居於房陵

癸亥乾德元年 契丹主述律應愿十三年

正月庚申命山南東道節度慕容延釗等發安復等州兵會襄陽以封張文表未至文表請降尋為楊師璠等禽殺之

二月壬辰延釗等至荆南高繼冲舉族歸朝得州三縣十七 王師既收荆南益發兵趨朗州周保權始慎乃為拒守計延釗等進討之破三江口寨克岳州三月戊寅克朗州獲保權盡平湖南之地得州十五監一縣六十六以兩道諸州縣為荆湖路 癸酉定常行杖法笞杖徒流各有數 置義倉每稅一石別

輪一斗

四月庚寅鑿池於朱明門外以習水戰 辛酉行應

天曆 湖南行營言辰錦溪叙州各奉牌印歸順

重鑿砥柱三門 初置通判以分節度刺史之權或

節度使刺史有闕則以文臣權知諸州 泉州留後

張漢思諸子謀殺陳洪進不克洪進廢漢思而代之

五月壬子復增修大內

六月裁定武成王配享諸將外三十三人降二十二

又 初命朝臣知縣

七月丙辰邢州節度王全斌復北漢生口數千來獻  
武平軍節度周保權詣闕待罪釋之以為右千牛  
衛上將軍 己卯頒刑統編敕

八月壬午王全斌等率師攻北漢樂平縣拔之 戊  
子北漢靜陽十八寨首領相率來降 河決齊州

己亥幽州政溝閔使柴延翰來降

九月戊寅北漢誘契丹兵攻平晉軍遣洺州防禦使  
郭進等率兵救之未至寇遁去

冬十月庚辰詔天下造板籍及戶帖鈔



十一月泉州留後陳洪進請內屬許之仍以詔諭江南  
甲子上合祭天地於園丘以宣祖配大赦改元  
詔防禦團練刺史州舊有都督府號者並停仍為  
上州

十二月甲申皇后王氏崩 遣內客省使曹彬通事  
舍人王繼筠分詣晉潞州會二節度兵入北漢境攻  
其邊邑及遼石二州

閏月乙亥府州言敗北漢軍數千人擒偽將楊瑋  
國子司業太常博士聶崇義上言請以赤帝為感生

帝築壇祭以正月 初置形勢稅簿

甲子乾德二年 契丹主述律應歷十四年

正月初聽選人四時參選不冬俟集 發民治鄆州

選隄 戊子范質罷為太子太傅王溥罷為太子太

保魏仁溥罷為左僕射 庚寅樞密使檢校太保趙

普為門下侍郎同平章事集賢殿大學士 壬辰詔

自今不限內外職官前資見任黃衣布衣等並許詣

闕進狀應賢良方正等三科

二月戊申遣昭義節度李繼勳攻北漢遼州偽大將

郝貴起來援擊敗之 刺史杜延韜以城降契丹六  
萬騎來援又擊走之 導溪水入京城合閤河 戊  
寅浚閤河

三月辛卯北漢魏耀州團練使周審王等四人來降  
夏四月乙卯改葬宣祖及昭憲皇后于安陵孝明孝  
惠二后祔葬 乙丑初置參知政事以薛居正呂餘  
慶為之

六月河南北陝西蝗

八月辛酉詔於京師及汾江各置榷貨務令商旅入

金帛於京師執引詣汾江給茶

九月客省使丁德裕等攻廣南郴州克之

府州節

度使折德辰卒以其子御勲知府州事自是世襲知府州蜀主孟昶遣間使以蠟書遺北漢謀連兵入寇

十一月命忠武軍節度王全斌為鳳州路都部管自鳳州道侍衛馬軍都指揮使劉光義為歸州路副都部管將兵三萬自歸州道伐蜀

十二月丁巳涼州來請帥以供備庫使趙彥饒為河

西軍節度 王全斌等克興州偽刺史藍恩綰退保  
西縣敗蜀兵七千衆 士申拔三泉寨敗蜀軍數萬  
人

乙丑乾德三年 契丹主述律應歷十五年

正月劉光義等克夔州偽節度使高彥疇自焚死王  
全斌等拔小漫天寨蜀人退保大漫天全斌進破之  
連敗其大將王昭遠遂克利州癸未又克夔州擒昭  
遠劉光義克萬施開忠四州乘勝至遂州偽知州陳  
愈以城降 甲午偽蜀主孟昶遣使伊審証持表詣

軍門請降 丙申兩川平得州四十六縣二百四十  
為西川路自全斌等發京師至昶降凡六十六日

二月癸卯王全斌殺降卒二萬餘人于成都夾城中  
三月乙未以西蜀降卒為義懷恩懷愛軍是月兩川  
盜賊群起詔所在討之

夏四月丙辰以西川感化耀武軍並為虎捷軍 戊  
午導五丈河水入宮城

五月丙戌孟昶入見

六月甲辰以孟昶為中書令秦國公庚戌昶卒

八月戊戌朔令天下長吏擇本道兵驍勇者籍其名  
送都下 河決陽武縣 庚申文明殿成

九月丙子閱諸道兵得萬餘人置驍雄武兩軍河  
決澶州

十一月庚午詔京師衛肆事有非常者左右街使即  
以聞 契丹寇易州

十二月丁酉始令婦為舅姑服三年 己亥令川峽  
諸州監軍巡檢不得與州縣事

丙寅乾德四年 契丹主述律應歷十六年

正月丁亥命客省使丁德裕等領兵討西川餘寇  
己丑北漢寇邊命西北諸鎮出師以禦之

二月癸卯荊州羅彥懷敗北漢兵於靜陽斬首千餘  
級擒偽將鹿英等

三月廢義倉

四月庚戌修崇元殿成改曰乾元殿 壬子契丹偽  
天德軍節度于延超與其子仁愛來降

六月河決澶州觀城縣 王全斌破賊帥全帥雄於  
灌口擒其黨二千人 丙午詔自今內官須及三十



以上許養一子士庶不得以童男養為官者

七月丁亥聽州縣官各置奉戶月輸錢五百

八月乙卯河決滑州壞靈河大堤遣韓重斌等發夫卒數萬人塞之

閏月丙寅王全斌破賊帥呂翰克雅州翰為部下所殺

九月以虎捷指揮使孫進等二十七人附呂翰為亂  
巡行殘忍捕送闕下斬之

十一月癸丑詔寬益禁

十二月庚辰民張龍兒與衛士楊密等共為妖幻圖  
不軌事覺伏誅 是歲初用和峴議以景表尺造律  
下王朴樂一律

丁卯乾德五年

契丹主述律應歷十七年

正月戊戌發畿內及鄴州民夫數萬治河隄

三月丙午趙普加左僕射進昭文館大學士 辛亥

北漢石盆寨指揮使閻章以寨降 是月五星如連  
珠在降婁之次

五月北漢洪唐寨指揮使樊暉殺監軍成昭以寨降

六月戊午朔日食 丙子令諸州通判鈐轄都監使  
臣不得受節度使私給

八月衛州河溢入城殺數百人

九月夏州節度李彝興卒子光叡襲位

十二月丙辰禁惡錢行濫兼帛

戊辰開寶元年 契丹主述律應歷十八年

正月甲午發近甸丁夫治東京城 北漢偏城寨指

揮使任守恩等一百五十人來降

三月癸巳鎮州言破北漢馬鞍山寨殺數百人

四月丙子晉州言北漢軍校翟洪貴等二百餘人來降

五月丙午江南饑以麥十萬解賜之

六月癸卯詔申戒西川諸道百姓祖父母父母在子孫別籍異財

七月鎮州言北漢烏玉寨主胡遇等來降 是月北漢主劉鈞死養子繼恩立

八月戊辰命昭義軍節度同平章事李繼勲為河東行營前軍都部管率步軍都指揮使党進等將兵擊

北漢

九月辛卯李繼勳等敗北漢軍二萬衆於洞渦河斬  
復甚衆 北漢供奉官侯霸榮弑其主繼恩爲宰相  
郭無爲殺霸榮立繼恩弟繼元

十月丙子錢徽遣其子建武軍節度惟濬來朝

十一月癸卯上祀天地于圜丘大赦改元 是月詔

自今親享太廟別設牙盤食 契丹以兵來援北漢

李繼勳等引歸北漢因入寇大掠晉絳二州之境

己巳開寶二年 契丹主明記寶寧元年

春正月壬寅遣殿中侍御史李瑩等十八人分往諸州調發軍儲赴太原

二月乙卯命宣徽南院使曹彬侍衛步軍都指揮使党進等各率兵伐北漢 甲子上自將發京師

三月甲申河東行營前軍都部管李繼勲敗北漢兵於城下 戊戌上次太原 癸卯偽憲州判官史昭文以城降 丙午決晉祠水灌太原

四月辛亥遣海州刺史孫方進圍汾州 契丹兩道出兵救北漢 壬子石嶺關部管何繼筠敗契丹於

陽曲北擒偽武州刺史王彥符來獻

五月癸未北面都都管薛重贊敗契丹於定州北

甲申壅汾水入新隄灌太原城 戊子詔初令獄官

於盛暑洒掃獄尸洗滌桎械貧不能自存者給食

甲子北漢偽嵐州刺史趙洪以城降賜名文度 庚

子北漢偽麟州刺史折七羅以城降

閏月戊申太原南城陷水注城中 劉繼元殺其宰

相耶無為 壬子太常博士李光贊上書乞早回鑒

上覽奏喜之癸丑移幸城東 己未徙北漢民萬餘

家於山東 庚申分諸軍屯澤潞軍校趙翰等率諸  
軍班衛士叩頭願乘城急擊以盡死力上曰我寧不  
得太原城豈忍驅汝曹冒鋒刃而蹈必死之地衛士  
皆感泣士戍班師

六月辛卯南唐主煜遣其弟從謙來貢 癸巳上至  
自太原

八月庚辰靈武節度馮繼業舉族內徙  
九月乙巳以考功郎中段思恭知靈州 是秋契丹  
偽涿州刺史許周瓊來降



十月丁亥詔自今西川山南荆湖等道舉人往來給券  
庚寅散指揮都知杜延進等十九人謀作亂事  
覺伏誅

契丹藏才十六族酋長王甲率衆歸附置  
豐州以處之 戊戌易州言契丹右千牛衛將軍王

承美來降

是歲契丹主述律為帳下所殺國人立

其伯父兀欲之子明記偽號天贊皇帝改元保寧

庚午開寶三年

契丹主明記保寧二年

正月癸丑發畿內民夫數萬治河決隄

四月辛未朔日食

庚子除河北諸州監禁聽通商

收稅 令三司凡上供物非土產者勿抑配

五月置便錢務

七月壬子詔西川管内州縣官宜以戶口為率差減其負舊俸外月增給五千 丙辰減諸道州縣官負如西川之制 上命南唐主煜招喻廣南主劉鋹不聽因其使龔謹儀

九月己亥以潭州防禦使潘美為賀州道行營兵馬都部管將兵伐廣南 甲辰詔修補前世帝王陵為亂兵所毀者 壬子潘美等敗廣南軍萬餘眾克富

州

十月克賀州

十一月克昭桂二州

癸亥判四方館事田欽祚破

契丹于遂城

潘美等破廣南軍於封州開建縣擒

其將斬暉

十二月庚午克連州戊子又敗廣南軍萬餘人克韶

州癸巳發近甸民二萬修河隄

辛未開寶四年

契丹主明記保寧三年

正月潘美等克英雄二州

丙午罷諸道攝宮

契

丹萬餘騎寇易州監軍任義擊走之

二月丁亥潘美克廣州擒劉鋹廣南平得州六十縣  
二百一十四 詔以幕職州縣官缺多人少初令特  
放選仍聽超折注擬

四月庚寅李煜遣其弟從謙來貢以嶺南僭崖振萬  
安等四州隸瓊州令廣州擇官吏往知州事

五月乙未諸將以帛係劉鋹及偽官先獻太廟太社  
上御明德門鋹至樓下伏地待罪詔釋之以為恩赦  
侯斬其偽官龔澄樞薛崇譽等 王甲卒以其子承

美知豐州事自是世襲知豐州

六月丙子御史中丞劉溫叟等上開寶通禮三百卷  
十月癸酉日食 甲申詔自十月後犯強竊盜者不  
得與郊赦

十一月李煜遣弟從善來貢始去唐號改印文為江  
南國印 癸未上祀天地于圜丘始用繡衣鹵簿大  
赦 癸亥川班直四十人過鼓訴賞悉斬之遂廢其  
班 河決澶洲泛教州澶州通判姚恕坐 知州杜  
審肇免官

壬申開寶五年

契丹主明記保寧四年

正月府州言北漢軍寇方上雅爾兩寨擊之 浚閤

河

二月江南主始捐制度下令稱教

閏月上使江南進奉使李從善致書國主風之入朝  
國主不從但增歲貢

四月以水災遣左司員外郎侯陟等四人來傳分視  
民田

五月壬戌河決澶州濮陽縣、廢嶺南媚川都禁民

采珠 是月上以霖雨出後宮女五十餘人 河決  
大明府朝城縣

六月河決開封府陽武縣 汴水決宋州穀熟縣

戊申命潁川團練使曹翰發民夫三萬六千卒一萬  
五千塞陽武決河又發夫卒數萬塞濮陽決河

八月己亥廣州行營都監朱憲大破僚賊二萬餘衆  
於容州

九月丁巳朔日食

十月己未英州言大破僚賊

癸酉開寶六年

契丹主明記保寧五年

正月癸酉發民夫治魏縣河堤

三月周鄭王殂謚曰恭 帝始御殿親閱試進士等  
科皆賜及第 壬午以閭河為惠民河五大河為廣  
濟河 融州修河卒叛殺長吏知高州范可郭率高  
潘二州民吏擊破之

四月辛丑翰林學士盧多遜等上新修開寶通禮義  
纂一百卷 癸丑初選令錄簿尉為堂後官

五月癸亥交州丁璉始遣使來貢 戊寅以璉為靜



海軍節度

六月癸未朔京城左右軍巡院始改任士人 隰州  
巡檢使李讓溥率兵入北漢界拔七寨 河決鄆州  
楊劉口又決懷州獲嘉縣 壬寅詔西川諸州以疋  
帛折稅並準市價 壬寅始詔參知政事呂餘慶薛  
居正并都堂與宰相同議政事更知印押班  
七月壬子改諸州馬步院為司寇院置司寇參軍  
八月甲辰趙普罷為使相  
九月己巳參知政事薛居正為門下侍郎樞密副使

沈義倫為中書侍郎並平章事居正監修國史義倫  
集賢殿大學士

十二月參知政事盧多遜上長定等格自是銓總益  
有倫是歲江南主殺其內史舍人潘佑

甲戌開寶七年 契丹主明記保寧六年

二月庚辰朔日食

七月壬子南丹州酋帥莫洪燕遣衛將陳紹規來求  
內附

九月遣左拾遺知制誥李穆使江南召李煜入朝煜

辭以疾乃議出師討之命潁川團練使曹翰宣徽南院使曹彬等將舟師自荆南沿江而下伐江南

閏十月己酉破江南兵 丙辰克池州 甲子彬等克蕪湖當塗二縣

十一月彬等破江南兵二萬衆於采石磯造梁於采石磯以濟軍又敗之於新林寨 辛丑契丹涿州賴史耶律琮以書遺知雄州孫全興求通好上命全興答之

十二月曹彬等破江南兵五千人於白鷺洲

乙亥開寶八年

契丹主明記保寧七年

正月甲戌曹彬等破江南兵於新林港

丁丑知晉

州武守琦奏破北漢兵於洪洞縣

二月丁未曹彬拔汴州城南水寨

丁卯行營都監

潘美等破江南軍數十衆於秦淮中

三月己亥契丹初遣使克妙骨謹思奉書來聘

四月黃州刺史王明等破江南軍於江州 曹彬等

克昇州闕城 庚午吳越王錢俶克常州

五月辛巳錢俶言江南寧遠軍及緣江軍寨皆降

河決濮州郭龍村

六月曹彬等破江南軍二萬人於昇州城下 河決

澶州頓丘縣 申子有彗出于柳

七月辛未朔日食 庚辰初遣西上閤門使郝崇信

太常丞呂端使契丹

八月丙午封交州丁璉父部領為交趾郡王 昇州

東南路行營都監丁德裕破潤州軍五千人於城下

九月壬申克潤州

十月乙亥李煜遣其臣徐鉉周惟簡來乞緩師 壬

寅命修西京宮闕始謀西幸 戊午侍衛步軍都虞  
候劉遇等破江南三萬衆於皖口

十一月己巳李煜等遣徐鉉等再奉表乞緩師 辛  
卯王明破江南軍萬衆

十二月己亥曹彬等克昇州擒李煜江南平得州十  
九軍三縣一百八群臣入賀上泣曰攻城之際必有  
橫罹鋒刃者此實可哀即以米十萬石振城中飢民

辛亥契丹始遣使賀來年正 錢俶請赴長春節  
朝覲許之

丙子開寶九年

契丹主明記保寧八年

正月戊辰朔辛未曹彬遣使奉露布以江南主李煜及其子弟偽宰相湯峒等四十五人來獻上御明德門煜等素服紼帽俯伏待罪詔釋之乙亥封煜為違命侯庚辰詔以後月辛酉京以四月內有事於南郊

二月癸卯群臣三上表請加尊號上以燕晉未平不允庚戌契丹始遣使來賀長春節丁巳作禮賢宅己未吳越王錢俶及其子惟濟來朝

三月辛未倣辭歸留惟濟侍祠 壬午上來次輦告

享太廟 丙子上發京師 庚辰謁安陵 辛巳至

西京

四月庚子雩祀於圓丘還御五鳳門大赦都民垂白  
者相謂曰我輩少經離亂不圖今日復覩太平天子  
儀衛有泣下者始上欲遷都洛陽起居郎李符上書  
陳八難晉王亦言非便上曰吾欲據山河之險以去  
兇兵晉王之言固善姑從之不出百年天下民力殫  
矣 甲辰遂下詔東歸 辛亥至自西京 己未詔



自今旬假不視事賜百官休沐 甲子曹翰等克江  
州擒偽將宋德明胡則

八月丁未詔侍衛馬軍都指揮使党進為河東行營  
部管 丙辰分兵五路討北漢

九月丙寅党進等破太原軍數千 忻代路郭進奏  
得山後諸州民三萬七千餘口

十月癸丑上崩于萬歲殿皇弟晉王即皇帝位 乙  
卯大赦 夏州李克殷奏破北漢吳保寨斬首五百  
級擒寨主侯遇 詔諸場務不聽人添額買樸

十一月戊辰羅天下俸戶 庚申薛居正加左僕射  
進昭文館大學士沈倫加右僕射進監脩國史參知  
政事盧多遜為中書侍郎平章事集賢殿大學士  
十二月甲寅上御乾元殿大赦改元帝以親政喻月  
特與天下更始非故事也 是歲高麗國王昭卒弟  
佻襲位